



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Haymo-//nis Episcopi Hal-//berstattensis De  
Chri//stianarum rerum memoria li-//bri decem**

**Haimo <Halberstadensis>**

**Coloniae, 1531**

**VD16 H 224**

De Philippo primo imperatore Christiano. Cap. XI.

**urn:nbn:de:hbz:466:1-29805**

RERVM MEMO. LIB. VI.

commouet per ecclesias, maxime aduersus doctores ecclesiarum.

MAXIMINVS regnat tribus annis.

Caput VIII.

SEd per dei prouidentiam in breui cōsummarus, simul finem vitæ & persecutionis facit.

POST quem imperat Gordianus.

Caput IX.

Pontiano vero Romano pontifice tunc finē faciente, succedit Antherus. Qui cum non amplius quam mense vno ministrasset, sacerdotium reliquit Fabiano.

BEDA.

Cap. X.

Hic testimonio spiritus sancti in specie columbæ super caput eius descendente episcopus ordinatur, quod alij de eo, alij de Zephyrino episcopo factum fuisse tradunt. Per idem tempus Africanus inter scriptores ecclesiasticos nobilis habetur. Hic multos scribit libros & epistolas, inter quos Mathæi & Lucæ in generatione Christi euidentissime ostendit consonantiam, & Chronicam ipse cōponit.

GORDIANVS imperat sex annis.

Caput XI.

Interea Gordiano imperatore finem faciente, Philippus cum Philippo filio suo succedit. Hic primus omnium imperator Christianus fuit. Cui volentibus interesse vigilijs Paschæ, & cōmunicare mysteriis, restitit Fabianus Papa, nec permisit donec confiterentur peccata sua, & staret inter pœnitentes. Hic post tertium sui imperij annum cum millesimus à conditione



## HAYMO DE CHRISTIA.

Romæ annus esset, expletis magnificis ludis celebrat  
vrbis natalem.

PHILIPPVS regnat annis septem.

Caput XII.

**P**ost hunc Decius succedit. Hic cum Philippus  
patrem & filium interfecisset, & ob odium eorū  
infestus esset Christianis, persecutionem mouet  
ecclesijs. In qua Fabianus in vrbe Roma martyrio co  
ronatur, Cornelio succedente, qui & ipse resoluitur  
martyrio. In Hierosolymis quoq; Alexander vir eru  
ditissimus, episcopus præclarus, numero confessorū  
post lōgeuæ vitæ venerandam canitiem, post mul  
tos cruciatus & vincula, inter ipsa vicissim sibi succe  
dentia tormēta deficit. **BEDA:** Tunc sanctus An  
tonius monachus Aegypto dicitur exortus. Interea  
sub Decio persecutio Christianis illata vehementer  
exarsit, & innumerabiles sancti de vtroq; sexu maxi  
me apud Alexandriam agones desudant, ita vt crede  
res prima persecutionum tempora renouari, de qui  
bus Dionysius Alexandrinus episcopus in epistolis su  
is ad Fabianum episcopum plenissime refert. Qui &  
ipse Dionysius postmodū capitis plectitur sentētia.

**NOTA** viros diuitiarū facile labi à fide.

Caput XIII.

**S**ed quia in arca domini etiā paleæ erant cum tri  
stico, aliquanti tunc ad primam iudicis faciē Chri  
stum negant, ad aras prosiliunt, timentes magis  
bonorū temporalium direptionem, quàm summum  
bonum amantes. De quibus pdixerat dominus: quo  
niam qui pecuniam amant, haud difficile labuntur.